

新編諸子集成

中華書局

莊子集釋

下

新編諸子集成

莊子集釋
下

〔清〕郭慶藩 撰
王孝魚 點校

中華書局

莊子集釋卷六下

外篇秋水第十七

【一】【釋文】借物名篇。

秋水時至，百川灌河，涇流之大，兩涘渚崖之間，不辯牛馬^{〔一〕}。於是焉河伯欣然自喜，以天下之美爲盡在己^{〔二〕}。順流而東行，至於北海，東面而視，不見水端，於是焉河伯始旋其面目，望洋向若而歎曰：「野語有之曰，『聞道百以爲莫己若者』，我之謂也^{〔三〕}。且夫我嘗聞少仲尼之聞而輕伯夷之義者，始吾弗信；今我睹子之難窮也，吾非至於子之門則殆矣，吾長見笑於大方之家^{〔四〕}。」

【一】【注】言其廣也。

【疏】河，孟津也。涇，通也。渚，岸也。涯，際也。渚，洲也，水中之可居

曰洲也。大水生於春而旺於秋，素秋陰氣猛盛，多致霖雨，故秋時而水至也。既而凡百川谷，皆灌注黃河，通流盈滿，其水甚大，涯岸曠闊，洲渚迢遙，遂使隔水遠看，不辨牛之與馬也。【釋文】「秋水」李云：水生於春，壯於秋。白虎通云：水，準也。「灌河」古亂反。「涇

流」音經。司馬云：涇，通也。崔本作徑，云：直度曰徑。又云：字或作涇。「兩涘」音俟，涯也。「渚」司馬云：水中可居曰渚。釋名云：渚，遮也，體高，能遮水使從旁回也。「崖」字又作涯，亦作厓，並同。「不辯牛馬」辯，別也。言廣大，故望不分別也。

〔三〕疏河伯，河神也，姓馮，名夷，華陰潼堤鄉人，得水仙之道。河既曠大，故欣然懽喜，謂天下榮華盛美，盡在己身。釋文「河伯」姓馮，名夷，一名冰夷，一名馮遲，已見大宗師篇。一

云：姓呂，名公子，馮夷是公子之妻。○慶藩案：「文選」枚乘七發注引許慎曰：馮遲，河伯也。釋文云：河伯，姓馮名夷，一名馮遲。遲夷二字，古通用也。淮南齊俗訓馮夷得道以潛

大川，許注：馮夷，河伯也，華陰潼鄉隄首里人，服八石，得水仙。詩小雅四牡篇周道倭遲，韓詩作委夷。顏籀匡（俗）（謬）正（謬）（俗）云：古遲夷通，此其證。高注淮南原道篇：馮夷，

或曰馮遲，古之得道能御陰陽者也。「爲盡」津忍反。

〔三〕疏北海，今萊州是。望洋，不分明也，水日相映，故望洋也。若，海神也。河伯沿流東行，至於大海，聊復顧盼，不見水之端涯，方始迴旋面目，高視海若，仍慨然發歎，託之野語。而

百是萬之一，誠未足以自多，遂（爲）（謂）無如己者，即河伯之謂也。此乃鄙俚之談，未爲通論耳。釋文「北海」李云：東海之北是也。「面目眈」莫剛反，又音旁，又音望。本一作

望。○盧文弨曰：今本眈作望。「洋」音羊。司馬崔云：眈洋，猶望羊，仰視貌。「向若」向徐音嚮，許亮反。司馬云：若，海神。○慶藩案釋文引司馬崔本作眈洋，云眈洋猶望羊，仰

視貌。今案洋洋皆假借字，其正字當作陽。論衡骨相篇武王望陽，言望視太陽也。太陽在天，宜仰而觀，故訓爲仰視。「聞道百」李云：萬分之一也。○家世父曰：李軌云：聞道百，萬分之一也。今案聞字對下（聽）（睹）字爲言。聞道雖多而不知其無窮也，以意度其然而自信其有進焉者，及（味）（睹）①其無窮，乃始爽然自失也。百者，多詞也，李注非是。○慶藩案百，古讀若博，與若韻。漢書鄒陽傳鸞鳥綦百，與鸞韻。蔡邕獨斷蠟祝辭歲取千百，與宅壑作韻。

〔四〕【注】知其小而不能自大，則理分有素，歧尚之情無爲乎其間。【疏】方，猶道也。世人皆以

仲尼刪定六經爲多聞博識，伯夷讓國清廉，其義可重。復有通人達士，議論高談，以伯夷之義爲輕，仲尼之聞爲寡，即河伯嘗聞，竊未之信。今見大海之弘博，浩汗難窮，方覺昔之所聞，諒不虛矣。河伯向不至海若之門，於事大成危殆。既而所見狹劣，則長被（嗤）（嗤）笑於大道之家。【釋文】「今我睹」舊音覩。案說文，睹今字，覩古字，睹，見也。崔本作今睹我，云：睹，示也。「大方之家」司馬云：大道也。「理分」扶問反，後同。

〔校〕①兩睹字依下正文改。

北海若曰：「井鼃不可以語於海者，拘於虛①也；夏蟲不可以語於冰者，篤於時也；曲士不可以語於道者，束於教也②。」今爾出於崖③涘，觀於大海，乃知爾醜，爾將可與語大理矣④。天下之水，莫大於海，萬川歸之，不知何時止而不盈；尾閭

泄之，不知何時已而不虛；春秋不變，水旱不知。此其過江河之流，不可爲量數。^{〔三〕}而吾未嘗以此自多者，自以比形於^{〔三〕}天地而受氣於陰陽，吾在^{〔於〕}^{〔四〕}天地之間，猶小石小木之在大山也，方存乎見少，又奚以自多^{〔四〕}！計四海之在天地之間也，不似疊空之在大澤乎？計中國之在海內，不似稊米之在大倉乎？^{〔五〕}號物之數謂之萬，人處一焉；人卒九州，穀食之所生，舟車之所通，人處一焉；此其比萬物也，不似豪末之在於馬體乎？^{〔六〕}五帝之所連^{〔五〕}，三王之所爭，仁人之所憂，任士之所勞，盡此矣^{〔七〕}。伯夷辭之以爲名，仲尼語之以爲博，此其自多也，不似爾向之自多於水乎^{〔八〕}？」

〔一〕【注】夫物之所生而安者，趣各有極。

【疏】海若知河伯之狹劣，舉三物以譬之。夫坎井之

鼃，聞大海無風而洪波百尺，必不肯信者，爲拘於虛域也。夏生之蟲，至秋便死，聞玄冬之時，水結爲冰，雨凝成霰，必不肯信者，心厚於夏時也。曲見之士，偏執之人，聞說虛通至道，絕聖棄智，大豪末而小泰山，壽殤子而夭彭祖，而必不信者，爲束縛於名教故也。而河伯不至洪川，未逢海若，自矜爲大，其義亦然。【釋文】「以語」如字，下同。○王引之曰：鼃，本

作魚，後人改之也。太平御覽時序部七、鱗介部七、蟲豸部一引此，並云井魚不可以語於海，

則舊本作魚可知。且釋文於此句不出鼃字，直至下文埴井之鼃，始云鼃本又作蛙，戶蝸反，

引司馬注云：電，水蟲，形似蝦蟇，則此句作魚不作電明矣。若作電，則戶蝸之音，水蟲之注，當先見於此，不應至下文始見也。再以二證明之：鴻烈原道篇，夫井魚不可與語大，拘於隘也；梁張縮文，井魚之不識巨海，夏蟲之不見冬冰，（水經贛水注云：聊記奇聞，以廣井魚之聽。）皆用莊子之文，則莊子之作井魚益明矣。井九三，井谷射鮒，鄭注曰：所生魚無大魚，但多鮒魚耳。（見劉逵吳都賦注。）困學紀聞（卷十）引御覽所載莊子曰：用意如井魚者，吾爲鉤繳以投之，呂氏春秋論大篇曰，井中之無大魚也，此皆井魚之證。後人以此篇有埽井之語，而荀子亦云坎井之電不可與語東海之樂，（見正論篇。）遂改井魚爲井電，不知井自有魚，無煩改作電也。自有此改，世遂動稱井電夏蟲，不復知有井魚之喻矣。「於虛」音墟。本亦作墟。風俗通云：墟，虛也。崔云：拘於井中之空也。○王念孫曰：崔注拘於虛曰，拘於井中之空也。案崔訓虛爲空，非也。虛與墟同，故釋文云，虛本亦作墟。廣雅曰：墟，圻也。（圻古居字。）文選西征賦注引聲類曰：墟，故所居也。凡經傳言丘墟者，皆謂故所居之地。言井魚拘於所居，故不知海之大也。魚居於井，猶河伯居於涯涘之間，故下文曰，今爾出於涯涘，觀於大海，乃知爾醜也。「夏蟲」戶嫁反。○慶藩案文選孫興公天台山賦注引司馬云：厚信其所見之時也。釋文闕。○又案司馬訓篤爲厚，成疏心厚於夏時，即用司馬義。其說迂曲難通。爾雅釋詁：篤，固也。論語泰伯篇篤信好學，謂信之固也。禮儒行篤行而不倦，謂行之固也。後漢延篤字叔堅，堅亦固也。凡鄙陋不達謂之固，夏蟲爲時所蔽而不可

語冰，故曰篤於時。篤字正與上下文拘束同義。「曲士」司馬云：鄉曲之士也。

〔二〕【注】以其知分，故可與言理也。【疏】河伯駕水乘流，超於崖涘之表，適逢海若，仍於瀚海之中，詳觀大壑之無窮，方鄙小河之陋劣。既悟所居之有限，故可語大理之虛通也。

〔三〕【疏】尾閭者，泄海水之所也；在碧海之東，其處有石，闊四萬里，厚四萬里，居百川之下尾而爲閭族，故曰尾閭。海水沃著即焦，亦名沃焦也。山海經云，羿射九日，落爲沃焦。此言迂誕，今不詳載。春雨少而秋雨多，堯遭水而湯遭旱。故海之爲物也，萬川歸之而不盈，沃焦瀉之而不虛，春秋不變其多少，水旱不知其增減。論其大也，遠過江（海）〔河〕⑥之流，優劣懸殊，豈可語其量數也！【釋文】「尾閭」崔云：海東川名。司馬云：泄海水出外者也。「泄

之」息列反，又與世反。○慶藩案文選嵇叔夜養生論注引司馬云：尾閭，水之從海外出者也，一名沃焦，在東大海之中。尾者，在百川之下，故稱尾。閭者，聚也，水聚族之處，故稱閭也。在扶桑之東，有一石，方圓四萬里，厚四萬里，海水注者無不焦盡，故曰沃焦。較釋文所引加詳。「量數」音亮。注及下同。

〔四〕【注】窮百川之量而縣於河，河縣於海，海縣於天地，則各有量也。此發辭氣者，有似乎觀大可以明小，尋其意則不然。夫世之所患者，不夷也，故體大者（快）〔快〕⑦然謂小者爲無餘，質小者塊然謂大者爲至足，是以上下夸跂，俯仰自失，此乃生民之所惑也。惑者求正，正之者莫若先極其差而因其所謂。所謂大者至足也，故秋毫無以累乎天地矣；所謂小者無餘也，

故天地無以過乎秋毫矣；然後惑者有由而反，各知其極，物安其分，逍遙者用其本步而遊乎自得之場矣。此莊子之所以發德音也。若如惑者之說，轉以「小大相傾，則相傾者無窮矣。」若夫覩大而不安其小，視少而自以爲多，將奔馳於勝負之竟而助天民之矜夸，豈達乎莊生之旨哉！

【疏】存，在也。奚，何也。夫覆載萬物，莫大於天地，布氣生化，莫大於陰陽也。是以海若比形於天地，則無等級以寄，言受氣於陰陽，則是陰陽象之一物也。故託諸物以爲譬，猶小木小石之在太山乎，而海若於天理在乎寡少，物各有量，亦何足以自多！

【釋文】

「而縣」音玄。下同。「怏然」於亮反，又於良反。「之竟」音境。

〔五〕【疏】疊空，蟻穴也。稊，草似稗而米甚細少也。中國，九州也。夫四海在天地之間，九州居四海之內，豈不似蟻孔之居大澤，稊米之在大倉乎，言其大小優劣有如此之懸也。

【釋文】

「疊」力罪反，向同，崔音疊，李力對反。「空」音孔。壘孔，小穴也。李云：小封也。一云：蟻冢也。○家世父曰：釋文引崔云，疊空小穴也。李軌云，小封也。一云蟻塚。今案疊空

自具兩義，言高下之勢也。疊者，突然而高；空者，窪然而下。大澤之中，或墳起，或洿深，高下起伏，自然之勢常相因也，故謂之疊空。司馬相如上林賦丘墟掘疊，亦同此義。言丘墟之勢，或掘而成穴，或疊而成垤也。「稊米」徒兮反。司馬云：稊米，小米也。李云：稊草也。案郭注爾雅，稊似稗，稗音蒲賣反。「大倉」音泰。

〔六〕【注】小大之辨，各有階級，不可相跂。【疏】號，名號也。卒，衆也。夫物之數不止於萬，而

世間語便，多稱萬物，人是萬數之一物也。中國九州，人衆聚集，百穀所生，舟車來往，在其萬數，亦處一焉。然以人比之萬物，九州方之宇宙，亦無異乎一豪之在馬體，曾何足以介懷也！

【釋文】「人卒」尊忽反。司馬云：衆也。崔子恤反，云：盡也。○家世父曰：釋文引司馬云，卒，衆也，崔云，盡也。案人卒九州，言極九州之人數。卒者，盡詞也。九州之大，人數之繁，其在天之中，要亦萬物之一而已。崔說是。○俞樾曰：人卒二字，未詳何義。司馬訓卒爲衆，崔訓卒爲盡，皆不可通。且下云人處一焉，則此不當以人言。人卒疑大率二字之誤。人間世篇，率然拊之，釋文曰，率或作卒。是率卒形似易誤之證。率誤爲卒，因改大爲人以合之。據至樂篇人卒聞之，盜跖篇人卒未有不興名就利者，是人卒之文，本書所有，然施之於此，不可通矣。大率者，總計之辭。上云計四海之在天地之間也，又云計中國之在海內，計與大率，其義正同。

【七】【注】不出乎一域。【疏】五帝連接而揖讓，三王興師而爭奪，仁人殷憂於社稷，任士劬勞於職務，四者雖事業不同，俱理盡於毫末也。【釋文】「五常之所連」司馬云：謂連續仁義也。

崔云。連，續也。本亦作五帝。○盧文弨曰：今本作五帝。○家世父曰：江南古（莊）藏本連作運，似從運爲妥。「所爭」側耕反。「任士之所勞」李云：任，能也。勞，服也。

【八】【注】物有定域，雖至知不能出焉。故起大小之差，將以申明至理之無辯也。【疏】伯夷讓五等以成名，仲尼論六經以爲博，用斯輕物，持此自多，亦何異乎向之河伯自多於水！此通

合前喻，並釋前事少仲尼〔之〕⑧聞輕伯夷之義也。

〔校〕①趙諫議本作墟。②趙本作涯。③趙本無於字。④於字依世德堂本補。⑤闕誤引江南古

藏本連作運。⑥河字依正文改。⑦快字依釋文及世德堂本改。⑧之字依正文補。

河伯曰：「然則吾大天地而小〔毫〕〔豪〕末，可乎〔二〕？」

〔一〕〔疏〕夫形之大者，無過天地，質之小者，莫先毫末；故舉大舉小，以明稟分有差。河伯呈己所知，詢於海若。又解：若以自足爲大，吾可大於兩儀；若以無餘爲小，吾可小於毫末。河伯既其領悟，故物我均齊，所以述己解心，詢其可不也。

北海若曰：「否。夫物，量无窮〔二〕，时无止〔三〕，分无常〔三〕，終始无故〔四〕。是故大知觀於遠近，故小而不寡〔五〕，大而不多〔六〕，知量无窮〔七〕；證曩今故〔八〕，故遙而不悶〔九〕，掇而不跂〔一〇〕，知时无止〔二〕；察乎盈虛，故得而不喜，失而不憂〔三〕，知分之无常也〔三〕；明乎坦塗〔四〕，故生而不說，死而不禍〔五〕，知終始之不可故也〔二六〕。計人之所知，不若其所不知〔二七〕；其生之時，不若未生之時〔二八〕；以其至小求窮其至大之域，是故迷亂而不能自得也〔二九〕。由此觀之，又何以知〔毫〕〔豪〕①末之足以定至細之倪！又何以知天地之足以窮至大之域〔三〇〕！」

〔一〕〔注〕物物各有量。〔疏〕既領所疑，答曰不可。夫物之器量，稟分不同，隨其所受，各得稱

適，而千差萬別，品類無窮，稱適之處，無大無小，豈得率其所知，抑以爲定！

〔二〕【注】死與生皆時行。【疏】新新不住。

〔三〕【注】得與失皆分。【疏】所稟分命，隨時變易。

〔四〕【注】日新也。【疏】雖復終而復始，而未嘗不新。

〔五〕【注】各自足也。【疏】此下釋量無窮也。以大聖之知，視於遠理，察於近事，故毫末雖小，當體自足，無所寡少也。

〔六〕【注】亦無餘也。【疏】天地雖大，當〔離〕〔體〕②無餘，故未足以自多也。不多則無夸，不寡則息企也。

〔七〕【注】攬而觀之，知遠近大小之物各有量。【疏】以大人之知，知於物之器量，大小雖異，各稱其情，升降不同，故無窮也。此結前物量無窮也。

〔八〕【注】晷，明也。今故，猶古今。【疏】此下釋時無止義也。晷，明也。既知小大非小大，則證明古今無古今也。【釋文】「證晷」許亮反。崔云：往也。向郭云：明也。又虛丈反。

〔九〕【注】遙，長也。

〔一〇〕【注】掇，猶短也。【疏】遙，長也。掇，短也。既知古今無古今，則知壽夭無壽夭。是故年命延長，終不厭生而悵悶，稟齡夭促，亦不欣企於遐壽，隨變任化，未始非吾。【釋文】

「掇」專劣反。郭云：短也。「而不跂」如字。一本作企。下注亦然。○家世父曰：郭象注，

遙，長也。掇，猶短也。說文：掇，拾取也。易疏：患至掇也，若手拾掇物然，言近而可掇取也。悶，如老子其政悶悶，不詳明。跂者，所以行也。淮南子原道訓跂行喙息，馬蹄篇蹇蹇爲仁，蹉跎爲義，謂煩勞也。知時無止，順謂行之而已。故者非遙，無漠視也；今者非近，無強致也。郭象注未愜。

〔二〕【注】證明古今，知變化之不止於死生也，故不以長而悵悶，短故爲跂也。【疏】此結前時無止義也。

〔三〕【疏】此下釋分無常義也。夫天道既有盈虛，人事寧無得喪！是以視乎盈虛之變，達乎得喪之理，故儻然而得，時也，不足爲欣；偶爾而失，命也，不足爲戚也。

〔三〕【注】察其一盈一虛，則知分之不常於得也，故能忘其憂喜。【疏】此結前分無常義也。

〔四〕【注】死生者，日新之正道也。【疏】此下釋終始無故義也。坦，平也。塗，道也。不以死爲

死，不以生爲生，死生無隔故。明乎坦然平等之大道者如此。【釋文】「坦」吐但反。

〔五〕【疏】夫明乎坦然之道者，「其」③生也不足以爲欣悅，其死也不足以爲禍敗。達死生之不二，何憂樂之可論乎！【釋文】「不說」音悅。

〔六〕【注】明終始之日新也，則知故之不可執而留矣，是以涉新而不愕，舍故而不驚，死生之化若一。【疏】此結前終始無故義。【釋文】「不愕」五各反。「舍故」音捨。

〔七〕【注】所知各有限也。【疏】強知者乖真，不知者會道。以此計之，當故不如也。

〔一八〕【注】生時各有年也。【疏】未生之時，無喜所以無憂；既生之後，有愛所以有憎。

〔一九〕【注】莫若安於所受之分而已。【疏】至小，智也；至大，境也。夫以有限之小智，求無窮之

大境，而無窮之境未周，有限之智已喪，是故終身迷亂，返本無由，喪已企物而不自得也。

〔二〇〕【注】以小求大，理終不得，各安其分，則大小俱足矣。若毫末不求天地之功，則周身之餘，皆爲棄物；天地不見大於秋毫，則顧其形象，裁自足耳；將何以知細之定細，大之定大也！

【疏】夫物之稟分，各自不同，大小雖殊而咸得稱適。若以小企大，則迷亂失性，各安其分，則逍遙一也。故毫末雖小，性足可以稱大；二儀雖大，無餘可以稱小。由此視之，至小之倪，何必定在於毫末！至大之域，豈獨理窮於天地！

【釋文】「之倪」五厓反，徐音詣。郭五米反。下同。

〔校〕①豪字依世德堂本改。②體字依上疏文改。③其字依下句補。

河伯曰：「世之議者皆曰：『至精无形，至大不可圍。』是信情乎〔二〕？」

〔二〕【疏】信，實也。世俗議論，未辯是非，僉言至精細者無復形質，至廣大者不可圍繞。未知此理情智虛實。河伯未達，故有此疑也。

北海若曰：「夫自細視大者不盡，自大視細者不明〔三〕。夫精，小之微也；埤，大之殷也；故異便〔四〕。此勢之有也〔五〕。夫精粗者，期於有形者也〔六〕；无形者，數之所不能分也；不可圍者，數之所不能窮也〔七〕。可以言論者，物之粗也；可以意致

者，物之精也；言之所不能論，意之所不能察致者，不期精粗焉。_(六)

〔一〕【注】目之所見有常極，不能無窮也，故於大則有所不盡，於細則有所不明，直是目之所不逮耳。精與大皆非無也，庸詎知無形而不可圍者哉！

【疏】夫以細小之形視於曠大之物者，必不盡其弘遠，故謂之不可圍。又以曠大之物觀於細小之形者，必不曉了分明，故謂之無形質。此並未出於有境，豈是至無之義哉！

〔二〕【注】大小異，故所便不得同。【疏】精，微小也。埤，殷大也。欲明小中之小，大中之大，稟

氣雖異，並不離有_(中)〔形〕_(二)，天機自張，各有便宜也。【釋文】「埤」李普回反。徐音孚，謂

盛也。郭芳尤反，崔音哀。「之殷」殷，衆也。○慶藩案殷，大也，故疏云大中之大，不當訓衆。「異便」婢面反。徐扶面反。注皆同。

〔三〕【注】若無形而不可圍，則無此異便之勢也。【疏】大小既異，宜便亦殊，故知此勢未超於有之也。

〔四〕【注】有精粗矣，故不得無形。【疏】夫言及精粗者，必期限於形名之域，而未能超於言象之表也。【釋文】「精粗」七胡反。下同。

〔五〕【疏】無形不可圍者，道也。至道深玄，絕於心色，故不可以名數分別，亦不可以數量窮盡。【釋文】「能分」如字。

〔六〕【注】唯無而已，何精粗之有哉！夫言意者有也，而所言所意者無也，故求之於言意之表，而

人乎無言無意之域，而後至焉。

【疏】夫可以言辨論說者，有物之粗法也；可以心意致得者，有物之精細也；而神口所不能言，聖心〔所〕③不能察者，妙理也。必求之於言意之表，豈期必於精粗之間哉！

【釋文】「不能論」本或作論。

〔校〕①闕誤引張君房本便下有耳字。②形字依下文文期於有形句改。③所字依上句補。

是故大人之行，不出乎害人①〔二〕，不多仁恩〔三〕；動不爲利〔三〕，不賤門隸〔四〕；貨財弗爭〔五〕，不多辭讓〔六〕；事焉不借人〔七〕，不多食乎力〔八〕，不賤貪污〔九〕；行殊乎俗〔一〇〕，不多辟異〔一一〕；爲在從衆〔一二〕，不賤佞諂〔一三〕；世之爵祿不足以爲勸，戮恥不足以爲辱〔一四〕；知是非之不可爲分，細大之不可爲倪〔一五〕。聞曰：「道人不聞〔一六〕，至德不得〔一七〕，大人无己〔一八〕。」約分之至也〔一九〕。

〔一〕【注】大人者，無意而任天行也。舉足而投諸吉地，豈出害人之塗哉！【疏】夫大人應物，譬彼天行，運而無心，故投諸吉地，出言利物，終不害人也。

〔二〕【注】無害而不自多其恩。【疏】慈澤類乎春陽，而不多徧行恩惠也。

〔三〕【注】應理而動，而理自無害。【疏】應機而動，不域心以利物。【釋文】「爲利」于僞反。

〔四〕【注】任其所能而位當於斯耳，非由賤之故措之斯職。【疏】混榮辱，一窮通，故守門僕隸，

不以爲賤也。【釋文】「故措」七故反。

〔五〕【注】各使分定。【疏】寡欲知足，守分不貪，故於彼貨財，會無爭競也。

〔六〕【注】適中而已。【疏】率性謙和，用捨隨物，終不矯情，飾辭多讓。

〔七〕【注】各使自任。【疏】愚智率性，工拙襲情，終不假借於人，分外求務。

〔八〕【注】足而已。【疏】食於分內，充足而已，不多貪求，疲勞心力。

〔九〕【注】理自無欲。【疏】體達玄道，故無情欲，非關苟貴清廉，賤於貪污。

〔一〇〕【注】己獨無可無不可，所以與俗殊。【疏】和光同塵，無可不可，而在不染，故行殊乎俗也。【釋文】「行殊」下孟反。下堯桀之行同。

〔一一〕【注】任理而自殊也②。【疏】居正體道，故不多邪辟，而大順羣生，故曾無乖異也。【釋

文】「辟異」匹亦反。

〔一二〕【注】從衆之所爲也。【疏】至人無心，未曾專己，故凡厥施爲，務在從衆也。

〔一三〕【注】自然正直。【疏】素性忠貞，不履左道，非鄙賤佞諂而後正直也。○家世父曰：大人之行凡五事：本不害人，非爲仁也；無貴賤貨利之在其心，何有辭讓也；不導人以爲利，何有貪污也；行自殊俗，非爲異也；順從乎衆，非爲諂也。事焉不借人，如許行之云並耕而治，饗殮而食，不多食乎力，如老子之云我無事而民自富，我無（顧）（爲）③而民自樸；彼貪污者自止，而無事乎賤之矣。郭象注未能分明。

〔一四〕【注】外事不接④於心。【疏】夫高官重祿，世以爲榮；刑戮黜落，世以爲恥。既而體榮枯之非我，達通塞之有時，寄來不足以勸勵，寄去不足以羞辱也。○家世父曰：世之爵祿不足